

DVCATVS NIVERNENSIS.

Fanum Divi Leonardi, Luyzjum, Premecy, & alia.
Comitatus olim, hodie Ducatus floret titulo.

*Olim Co-
mitatus.*

Memoratur in annalibus Franciæ *Philippus* Nivernii, Retelli, & Estampii Comes, Philippi Valefii Burgundiæ Ducis filius, qui cum fratre in pugna Azincurtiana cecidit, successores natus filios: in Nivernensi quidem & Rhetellano Comitatu *Carolus*; in Stampiano autem Ioannem, qui, fratre sine liberis defuncto, reliquos quoque principatus est adeptus. Hic ex tribus conjugibus plures suscepit liberos. sed præmortuis cæteris, unam tantum filiam habuit superstitem *Carolam*: cujus (nupta enim fuit Ioanni Albretano) filia fuit Maria *Albretana*, uxor Caroli Clivensis, Ioannis II Cliviæ ducis filii: qui primus Nivernii dux legitur. Huic filius fuit *Franciscus* II dux, cui ex Margareta Borbonia, Caroli I ducis Vendocinensis filia, liberi fuerunt

Franciscus, Dux III Nivernii, Comes Eufii, qui nulla prole relicta, pugna Dreusiana periit, anno MDLXIII. *Iacobus*, Ilæ Marchio, dux Nivernii IV, qui etiam *Amus* obiit; *Henricus* Nivernii dux V, qui item, ut fratres, improlis est defunctus: quibus omnibus successa est soror *Henrica*, dux Nivernii VI, quæ uxor facta Ludovico Gonzagæ Marchioni Mantuano, Principatum Nivernensem dotis nomine ad eum attulit. Ex eo conjugio natus *Carolus Gonzaga Clivensis*, Dux Nivernii VII, &c. quem utilissime peregrinantem, & magnorum Principum, anteaquam propriis gubernaculis tenendis se admoveant, exemplo, noscendis peritissime variorum populorum rerumque publicarum moribus & institutis invigilantem, magnatum filios sequi expediet.

